

शरणागत की श्याम बाबा लाज बचाओ जी

शरणागत की श्याम,
बाबा लाज बचाओ जी,
थारी मोर छड़ी लहराओं जी,
थारी मोरछड़ी लहराओं जी,
शरणागत की श्याम,
बाबा लाज बचाओ जी,
शरणागत की श्याम।

मंझधार में बाबा,
अटकी पड़ी नैया,
थे बेड़ो पार करो,
लाखां ने तारया हो,
बेटे ने भूलयो क्यों,
प्रभु उपकार करो,
भटक्योड़ा ने श्याम,
आके राह दिखाओं जी,
थारी मोर छड़ी लहराओं जी,
शरणागत की श्याम।

बरसा सूं बंद है,
तकदीर को तालो,
दयालु खोल दयो,
चरणा बिठाकर के,
दो बैण मीठा सा,
थे मुख स्यूं बोल दयो,
टाबरिया के श्याम,
सिर पर हाथ फिराओ जी,
थारी मोर छड़ी लहराओं जी,
शरणागत की श्याम।

हालात को मारयो,
दुखाड़ा सूं मैं हारयो,
मेरो उद्धार करो,
थारो सहारो है,
थारे हर्ष ने इब तो,
धणी स्वीकार करो,
हारोड़या की श्याम,
थे ही जीत कराओ जी,
थारी मोर छड़ी लहराओं जी,
शरणागत की श्याम।

<https://www.bhajanganga.com/bhajan/lyrics/id/23833/title/sharnagat-ki-shyam-baba-laaj-bachao-ji>

अपने Android मोबाइल पर [BhajanGanga](#) App डाउनलोड करें और भजनों का आनंद ले |